

Qasigiannnguit

Qasigiannnguit isumaqarpoq piffik qasigissanik puisilik. Qangaanerusoq Qasigiannnguit amerlasuunik qasigissanik puiseqartarsimavoq.




Photo: Linda Kleist

Paradiisi puigorneqarnikoq

Qasigiannnguit qeqertarsuup tunuata kangisissortaani inissisimavoq, qaqqarsuarnik 450 miiterinik portussusilinnik ungalusimaneqarluni inissisimasoq. Qasigiannnguit ilisimaneqaatigilluagaasa ilaat tassaavoq silap atoruminassusersua, naatsorsuutigineqartarporlu Kalaallit Nunaanni silaannaq najuukkuminarnerpaaq Qasigiannnguani ittoq. Qasigiannnguani innuttaasunit illoqarfik taakkajunneqartarpoq: Paradiisi puigorneqarnikoq.

Illoqarfik piorsarsimassutikkut kingornussanik arlariinnik peqarpoq, ukiullu ingerlanerani katersugaasivik paasisassanik saqqummersitsisarpoq, piorsarsimassutsikkut kingornussat ataavartinnissaat anguniarlugu. Katersugaasivimmut isernerni takusinnavatit qangarnisarsuit assaanerminni nassarisimasaat Saqqaq kulturip nalaaneersut ukiuni 4500-nik pisoqaassusillit, naqissusiisut Inuit kultur sioqqullugu Kalaallit Nunaata kitaani, kitaatalu kujataanilu inuiaqatigiit siulliusimasut.

Qasigiannnguit nunavimmut atavoq, taamaammallu illoqarfiup avataatungaa pisuttuarfissaqqissuulluni. Pisuttuarfigissallugu nuannarineqarnerpaat ilaat 450 miiterisut portussuseqarpoq, qaqqaq taaneqartartoq Qaqqarsuaq, tassannaanniillu Qeqertarsuup Tunua isikkivigissorsuaq qimerluualaarneqarsinnaavoq.

Qasigiannnguit tassaavoq Qeqertalimmi illoqarfinni qimmeqarnerpaajusoq, missingsorlugu qimmit 900-t nalunaarsorneqarsimapput. Kommunellu iluani qimussertarneq eqqarsaatigalugu tamaani aallunneqarnerpaalluni.

Isumannaannerusumik qimmit qimuttut paasisaqarfiginerorusukkukit illoqarfimmi takornarialerisunut saaffiginissinnaavutit takornariarnissamillu inniminniillutit, qimmillu qimuttut annerusumik paasisaqarfigalugit.


Ilinnut innersuussutigut

- Illoqarfimmi anartarfiit tamanit atorneqarsinnaasut killeqarput, kaammattuutigaarput angallammiit illoqarfimmut niunnginnermi anartarfimmi isumagissasatit qulakkeeqqaaqullugit. Taamaattumik innimisunnak pisiniarfinni inuillu ornittagaanni anartarfimmik atuiniarnernut aperinissat innersuussinnaavarput.

- WI-FI illoqarfimmi atorsinnaasannik pisiffissaqanngilaq, taamaattumik kaammattuutigaarput, oqarasuaatikkut data pisariaqartitsineq aallaavigalugu atorneqarnissaa.
- Pilersuisumi aningaasanik ATM atorlugu tiguisinnaavutit, pisiniarfiit aningaasanik kiisalu akiliummik tiguisinnaapput.
- Illoqarfipput qummukajaajoqaaq, busseqanngilaq taxallu amerlanatik. Taamaammatt kaammattuutigaarput pisuttuassatilluni atisat eqqortut (qaleriaat) kamiillu patajaatsut atorneqarnissaat, misiginiagaq tamakkiisumik misiginissaa anguniarlugu.
- Innersuutigaarput illoqarfimmi takornarialerisut sammisassarsiornermi inniminneqqullugit. - Uagut illoqarfipput allanit ilisimaneruarput. Illoqarfimmi takornariannik angallassisartut oqaluttuanik pitsaalluinnartunik oqaluttuutissavaatsit, taamaasillutillu misigisassat tamakkiisumik, nuannersumik pitsaasumillu misigisassarsiorfigisinnaavutit.
- Imaatigut angallanneq eqqarsaatigalugu, angallatit angallassisutitut akuerisaasut ilaaffigisarnissaat kaammattuutigaarput. - Illit isumannaatsumik angalanissat qulakkeerniarlugu.

Angallassisunut innersuutit

- Kangerlummiit aallarnermi apuunnermilu angallatit sukkassusaanut maleruaqqusaq, tassaasoq 3 knots qaangerneqannginnissaa innersuutigaarput - sukkasuumik ingerlasut uumasut kiisalu aalisartut ajoqusersorsinnaammatigit.
- Angalanermi naleqqat nalunaarsorneqarsimasut atorneqarnissaat innersuutaavoq.



**PIFFIIT
ORNIGARNEQARSINNAASUT**

- | | |
|--|---|
| 1 Kommunep allaffia | 12 Timersortarfik / Café |
| 2 Pilersuisoq - ATM | 13 Hotel |
| 3 Tusass allaffik | 14 Hostel |
| 4 Napparsimavik | 15 Diskobay Tours |
| 5 Atuakkanik atorniartarfik | 16 Silami timersortarfik |
| 6 Oqaluffik nutaaq | 17 Silami timigissartarfik |
| 7 Arnat Illuat | Imertartarfik |
| 8 Pisiniarfeeqqat (sumiiffiit assigiingitsut pingasut) | Talittarfik ulapaarfiusoq - sianigisassaq |
| 9 Aalisagaarniarfik | |
| 10 Timmisartoqarfik | |
| 11 Katersugaasivik - Tammajuitsussarsiniartarfik | |

Najoqqutassiat

- Pingaarnertut aqqusinerngit marluinnaapput, aqquserngillu allat amitsunnguullutik. Avatangiisit misissukkit, aqqusinermilu ingerlaartut ajoqusersornaveersaarlugit.
- Oqaluffitta kusanartup isernissaanut tikilluaqqusaavutit, naalagiaqataasinnaallutillu. Taamaattoq inussiarnersumik qinnuigissavatsigit ullorsiorluni naalagiussinerit, naalagiarnermilu ileqqusut akuersissummik peqaqqartinnak akuleruffigeqqunagit.
- Katersugaasivitta eqqaa kusanaqisoq najoruminaqisorlu tikeraanut tamanut takusassaqqissut ilagivaat. Eqqaamajulli katersugaasivimmuut iserneq akeqarmat.
- Illoqarfippu anginngitsunnguuvuq, taamaattumillu ornigarneqarsinnaasut inoqassutsikkut amerlassusiinikkut killeqarsinnaapput. Innersuutigaarput takuniarneqarsinnaasut siammarluni ornigarneqarsinnaanerat.
- Qasigiannguani oqaluttuarisaanermi, qanganisarsionermilu pingaarutillit amerlapput, takujuminaassinnaapput

- ilisimannikkaanni sumut qinaasilluni. Illoqarfimmiut pingaarutillit taakkartorneqartut pillugit apeqquteqarfisinnaavatit, ataqqinnitsumillu ungasissuseqarlutit piorsarsimassutikkut kingornussagut qimerluualaarsinnaavatit.
- Inuit naapatitit eqqartornagit oqaloqatigikkut. Innuttaasunik assiliinnginnermi assilitinnissamut akuersiseqqaakkit.
 - Meeqqat assilitinnagit, angajoqqaavi assilitinnissamut akuersiseqqaakkit.
 - Qimmivut kusanaqaat inussiarnerpasissinnaallutillu. Taamaattoq qinnuigaatsigit nerukkaqqunagit, qammaqqunagit attuaqqunagillu - tamanna aamma qimmiaqqanut atuutsinneqarpoq.
 - Qasigiannguut eqqiluutsuutinnissaanut ikiortigit. Sumut tamaanga eqqaanak, eqqaaviit atukkit.

Translation of AECO Community Specific Guidelines for Qasigiannguut, 10/2022.
AECO, Qasigiannguut - Community Specific Guidelines'inersut tuluttut allat atungaviullutik nutsigaapput ulloq 10/2022



Photo: Linda Kleist

“Nunaqarfik uumassusilik” tikeraanut takusassaqqissut ilagivaat. Juulimi sapaatit tamaasa ataatsiniit pingasut tungaanut ileqqutoqqat malillugit pisusaartitsinerit isiginnaariarsinnaavatit. Takonariarnerit allat paasisassarsiorfittut taaneqartarput.



Photo: Linda Kleist

Qimmivut kusanaqaat inussiarnerpasissinnaallutillu. Taamaattoq qinnuigaatsigit nerukkaqqunagit, qammaqqunagit attuaqqunagillu - tamanna aamma qimmiaqqanut atuutsinneqarpoq.



Photo: Mads Pihl

Katersugaasivitta eqqaa kusanaqisoq najoruminaqisorlu tikeraanut tamanut takusassaqqissut ilagivaat. Eqqaamajulli katersugaasivimmuut iserneq akeqarmat.